

Von natürlichen erbſchafften LXXVI

ter verließ/ſo erben dieſelben brüder vnd ſchwefter kind an ir eltern ſtatt/
alle miteinander nie me dan ſo vil ir eltern/ſo ſy gelebe genomen hetten/
vnd werden alſo dieſelben geſchwüſtrige kind/mitsampt vatter vñ müt-
ter vnd den geſchwüſtrigen zügelaffen/nit nach den houptern/Beſon-
der nach dem ſtamteil. Vnd ob gleichwol die mütter milerzit anderwert
in die ee treten wer/ſo iſt ir/ir erbeil an deß abgeſtorbenen kinds verlaſſen
güt nit geſchwecht/es wer dann das ſy ſich zü verachtung der kind vnd
früntschaſt/mit vngepürlichen perſonē/wider der kind vñ früntschaſte
willen verelicht het/dañzmal wo das abgeſtorbe kind/geſchwüſtrige
wie obſat verlaſſen het/bleib das erb denſelben/vnd würdt die mütter
von irem erbeil abgeſondert/doch ſol zü vnſer erkantnuß ſtan/ob vnd
wen die mütter ſich mit vngepürlicheit verhyrat hab.

Wo der abgeſtorben an einem

ort geſchwüſtrigt/vnd am andern Eni oder vreni verließ.

¶ Wa auch der abgeſtorben hinder ſin nit vatter vnd mütter beſonder
allein Eni oder vreni/man oder wyß/mitsampt den geſchwüſtrige oder
ern kinden verließ/So haben wir für vnſer Stattrecht angenommen/
das dieſelben Eni/vreni zc.allweg dernechſt grad hinuſſ zerechnen/mit
den geſchwüſtrigt vñ irt kinden/zü gleiche erb/nach den houptern gan/
doch ſollt die geſchwüſtrigt kind nit nach den houptern/ſond nach dem
ſtamen irer vätter erben wie obſat.

Wen der abgeſtorben mitſampt

vatter Eni zc.geſchwüſtrigt kinds kind verließ.

¶ Die obberürten vnſer Satzügen/darün wir deß abgeſtorbenen vatter/
mütter/Eni/vreni zc.mit den geſchwüſtrigt vnd irt kinden zü erben zü
gelaffen/wöllen wir nit verſten vff die geſchwüſtrige kindskinder/dañ
die diß orts/ſo vatter/eni/oder vreni/vorhanden ſind/vßgeſchloſſen/vñ
wo erden in dem fall kindskinder by den kinden nit begriffen.

Wenn die angeſtorben perſon

Brüder het vatter halb oder mütter halb.

¶ Wann die abgeſtorben perſon nach ir ſtieffbrüder verließ/die allein
vatter halb/oder allein mütter halb ire Brüder weren/vnd dan deſſelben
D iij